

PRÆPARATIONES QUORUND. SIMP. 359

Mellis calidi colati quantum ad cogen-
dum satis est.

Si vero triplum Cyperi, & stercoreis vac-
carum aut caprarum sicci ad pondus om-
nium accipiat, erit efficacius ad hydro-
pifin, & inflationes difcutiendas.

VENTRICULI, inteftinorum, hepa-
tis, renum, veficæ, uteri, & partium alia-
rum dolorem à flatibus aut intemperie
frigida ortum placat.

PRÆPARATIONES

QUORUNDAM

SIMPLICIUM.

*Aloë cum Aromatibus
ablucendi modus.*

℞. Aloës puriffimæ & cribratæ ℥ j. *

Caffæ lignæ

Spicæ Nardi Indicæ

Afari Schœnanthi

Carpobalfami [aut succedanei eius]

Xylobalfami [aut succedanei eius]

Cinnamomi Ligni Aloës

Croci Mafliches

Laccæ ana ʒ iii.

Decoquantur aromata in aquæ quanti- *

tate fufficienti fecundum artem, in duplici

vafe;

vase; deinde colentur. In colatura dissolve Aloën, continue agitando: & pone ad solē in vitrea aut vitreata patina, donec exsiccetur. Oportet autem patinam linteolo puro testā soli exponere, ne aliquid incidat. Quod si hieme lavanda est Aloë, in æstuarium ad fornacem ponatur: oportet etiam fundo vasis insidentes arenas, & siquæ sunt aliæ sordes, diligenter auferre.

Aloën simplex abluendi modus.

℞. Aloës purissimæ & tritæ ℥ ij.
Aquæ cœlestis q. s. aut ℥ vj.

Misceantur in patina vitrea, ita ut aqua calefacta prius infundatur: deinde subsidere finito sordes & calculos; & puram pinguemque aquam, cui se pura Aloë miscuit, sensim excolato, & sordes in fundo abiicito; postea colaturam tectam linteolo in sole exiccato.

Laccam abluendi modus.

Modus abluendi Laccam, qui passim à scriptoribus traditur, admodum absurdus est: & qui eum primus invenit aut tradidit, Laccam naturam penitus ignoravit. nam quidquid purum, sincerum & efficax est in Lacca, illud aqua miscetur, quam illi dicunt abiiciendam esse, & quod remanet, in Trochiscos formandum,

*dum, hoc est, calculos, ligna & sordes. Nos vero
rectius modum trademus.*

℞. Aristolochiæ longæ
Schoenanthi ana ℥ ij.

Decoquantur in aquæ ℥ iiij. aut q. s.
donec remaneant ℥ iij.

Colaturæ insperge
Laccæ integræ ℥ j. ℥ iiij.

Decoquatur Lacca deinde lento igne,
donec aqua fiat coloris sanguinei: & quid-
quid in Lacca boni fuerit, dissolvatur;
tum per filtrum aut laneum pannum co-
la, & remanentes sordes abice. Excolatâ
vero & sanguinei coloris aquam lentis
prunis in duplici vase usq; ad mellis spis-
situdinem coquito, & tepidam massam in
Trochiscos fingito. Hic itaque verus est
modus abluendi Laccam.

Plumbum lavandi modus.

℞. Mortarium plumbeum: in eum infun-
de aquam cœlestem, & agitato aliquot
horas aquam in mortario, donec aqua
colorem acquirat lividum, & crassecat
in modum limi. Limum hunc per lin-
teum exprime, & exiccatum reponc
[in pastillos.]

*Limatura ferri, quam Scoriam vocant,
preparatio.*

℞. Limaturam ferri optimi, aut Chaly-
bis,

Q

bis, aut Squamam, hoc est, Batituram eius: purga eam ab omnibus immunditiis, hoc modo: Proiciatur in aquam clarissimam, & fricetur manibus: postea sordidam aquam effunde totam, deinde impone limaturam in vitream patinam, & affunde modicum aceti, ut tantum humectetur, nec emineat acetum: postea macera diebus xxx. ultimo tere, & reponere.

Scammoneam preparandi modus.

R. Scammoneæ optimæ ℥ iiij.

Contere in subtilissimum pulverem: deinde insperge illi olei Violati optimi modicum, ut fiat massa: deinde excava aliquot Cydonia mala magna, & in cavitatem eorum impone massam Scammoneæ, & coöperi foramina Cydoniorum: postea assa in fornace cum pane, donec Cydonia perfecte sint assata: deinde exime Scammoneam, & impone sequenti diluto:
R. Carnium Myrobal. Citrinorum ℥ j.
Succi Cydoniorum ℥ iiij.

Conterantur Mytobalani, & miscantur cum calefacto Cydoniorum succo, & stent in infusione horis xxiiij. deinde leniter cola: colaturam vero infunde Scammoneam, & optime simul misce: ultimo in loco calido exicca, & exiccatam reponere Scammoneam: [quod Dacrydium, Diacrydium & Diagridium vocant.]

Cola-

Colocynthis preparatio.

℞. Colocynthis pulpæ ℥ j.

Bdellii

Tragacanthæ ana ʒ xij.

Incidatur Colocynthis minutissime:
Tragacanthum vero & Bdellium dissolve
in aquæ Rosarum q. l. & dissoluta insper-
ge incise Colocynthidi, & fac Trochiscos,
quos in sicco aliquo loco siccabis: exsicca-
tos deinde Trochiscos iterum subtilissi-
me terito, & reforma Trochiscos, adhibi-
ta Mastiche in oleo Rosaceo dissoluta.
[Porro Trochiscorum Alhandal confe-
ctio, est vera Colocynthis preparatio.]

Scilla preparatio.

℞. Scillam magnam, recentem, neque
putridam, neque gelu flaccidam: abiice *
eius exteriores aridas tunicas: involve
deinde eam massæ sive pastæ pistorum
unde panis fit: assato postea in furno
cum panibus, donec panes percocti
fuerint: hinc è furno exime Scillam, &
sigillatim omnes tunicas detrahe, &
funiculo traiectas in calido loco exsic-
cato: abiicito vero medium Scillæ cor,
unde germen enasci solet. Porro Scilla
non est incidenda ferreo aliquo cultro,

Q 2

scd

sed è ligno solido aliquo facto. nam contrahit à ferro venenosam quandam subiginem.

Mezerei fol. preparatio.

℞. Foliorum Mezerei quantum libuerit: ea macera in aceto vini horis xxiiij: postea exsiccentur: cum vero uti iis voles, contere, & in contundendo abiice eorum venas & nervos.

Esula rad. preparatio.

Esula tam maior quam minor, præparatur eodem modo quo Mezereon.

Gersam Serpentaria faciendi modus.

℞. Radices Serpentariæ veræ, vel loco eius radicum Ari, id est, Aronis ꝯ iiij. Terantur subtilissime, & affunde eis aquæ Rosaceæ ꝯ iiij. deinde exsiccentur ad solē in vitrea patina, linteolo tecta. Postea secundo tantum aquæ rosaceæ affundito, & simili modo exsicca: tertio eadem aquæ Rosaceæ quantitas inspergatur: & ultimo siccaram farinam cum vino odorato in Trochiscos sive orbiculos finge, & repone. Ingreditur autē hæc Gersa unguentum Citrinum, & re-

& reliqua quæ ad nitorem cutis conficiuntur.

Spodium preparandi modus.

℞. Eboris in partes secti ℥ j.

Pone id in novum & nondum crematum fictile, & crudo operculo tegito, & iuncturam luto figulino diligenter oblitito: postea in fornacem figuli mitte, & cremari finito, donec fictilia percocta sint: deinde exemplum Ebur in tenuissimum pulverem terito & cribrato, & infunde ei in patina vitrea aquæ Rosarum ℥ ij. & exsiccari finito. Deinde secundo terito, & alias ij. ꝑ aquæ Rosaceæ affundito, atque similiter exsicca. Tertio etiam terito, & admisce aquæ Rosarum ℥ j. in qua diligenter dissolutæ sint Camphoræ tritæ subtilissime ʒ iiij. Tere omnia in tabula marmorea durissima, & finge Trochiscos: quos repone in denso vase aliquo, ne expirent. Porro si Ebur habere non poteris, loco eius sume Cornu cervinum, & similiter præpara. est enim hoc quoque efficax medicamentum ad multa, præsertim contra venena.

Ebur crematum, melius est ut [non] operato fictili fiat, alias enim non candidum, sed nigrum fit.

Q 3

Pul.

Pulmonis Vulpini præparatio.

℞. Pulmonem Vulpis recentem : extrahe ex eo arteriam sive fistulam, & lava in vino odorato calefacto : mox ollæ impositum exsicca in tepido furno : deinde exsiccatum repone in loco sicco, & involve Absinthio, ne putrescat.

Hepatis Lupini præparatio.

Hepar Lupi eodem modo præparatur quo pulmo Vulpis.

Sanguinis Hircini præparatio.

Hircum mediocris ætatis domi alito, & per mensem nihil aliud dato præter Pimpinellam, Apium, Petroselinum, Levisticum, & similia : deinde sanguinẽ eius, qui ex arteriis fluxit, excipito, & concrefcere finito; atque aqueum illud effunde; grumos vero sanguinis in furno exsicca. Mactandus autem est Hircus Veris exitu, id est, principio ætatis, cum Sol Cancrum ingressus est.

Adipum vel Pinguedinum præparatio.

℞. Adipem vel Pinguedinẽ cuiuscumque ani-

animalis; & lava in aqua aliquoties, donec pura defluat aqua, & non amplius saniosa, aut cruenta appareat: deinde minutim incisam liqua in duplici vase; & eliquatam in frigido loco repone, sine sale.

Medullarum preparatio.

Medullas ex ossibus auferto Autumni initio, & lava, & liqua in duplici vase, secundum modum qui traditus est in Adipum sive Pinguedinum preparatione.

Oesypum faciendi modus.

2. Lanæ succidæ, hoc est, nondum purgatæ, ex collo, feminibus & femoribus ovis detonsæ, quantitatem satis magnam; infunde ei aquam fervidam, & lava diligenter, quousque omnem suam pinguedinem in aquam deposuerit. Postea expressam lanam sepone, & aquam illam pinguem & sordidam vasculo aliquo diutissime ex alto fundito & refundito, donec spumosa fiat: tum finito spumam subsidere, & collige aquæ innatantem pinguedinem; iterumque aquam refundito, donec spumet, & subsidentem pinguedinem auferto, & rursus refundito, donec non amplius spumet, & nulla concresecat

Q 4

supra

supra aquam pinguedo. Tum collectam pinguedinem iungito, & in aqua lavato, manibusque diducito, donec pura fiat, & aqua clara defluat & albescat, & pinguedo linguam admota non mordeat: tum repone in fictili denso, loco frigido. Porro hic Oesypus hodie vocatur corrupto nomine Hyssopus humida: sed non bene præparatus habetur in Pharmacopoliis.

*Terebinthinam resinam coquendi
modus.*

℞. Resinæ Terebinthinæ, aut eius loco Laricinæ resinæ, quam Terebinthinam hodie vocant, ꝑ j. affunde ei aquæ ꝑ xxiiij, & coque in magno vase, donec odorem amittat, & inspissetur, adeo ut refrigerata digitis in pulverem teriqueat. Hoc modo usta [seu cocta potius] resina ingreditur in quædam Vnguentæ, Olea, & in Trochiscos Cyphi, qui pertinent ad Mithridatium.

Acacia Succedanea.

Acacia vera apud nos non potest confici: eius autem loco sumunt nostri Pharmacopola totius fere Europæ, succum Prunorum silvestrium, id est, Schlehen-safft. Sed hæc, quam describemus, propius ad vera Acacia vires accedit.

℞. So-

Rz. *Seminum Thamarindorum*

Sumach ana ꝑ ij.

Contundantur, & affunde eis aquæ cælestis [seu pluvix] ꝑ viij. aut q. s.

Macera deinde per horas xxiiij. Postea coque donec tertia pars aquæ remaneat: excolatam deinde aquam, cum albuminibus ovorum clarifica & despuma: despumatam deinde iterum coque supra lentas prunas, ad spissitudinem iustam; deinde repone, ut *Acaciam ex Prunellis silvestribus* factam.

P O N D E R U M R A T I O.

P O N D E R A quibus hodie Medici utuntur, hæc sunt: *Libra*, *Quartarium* vel *Quadrans*, *Vncia*, *Drachma*, *Scrupulus*, *Obolus*, *Lupinus*, *Granum*, *Siliqua*, *Lens*: & hæc quidem à Grecis atque Romanis mutuavunt.

Præter hæc sunt alia quæ à Barbaris atque Arabibus desumpserunt; qualia sunt, *Manipulus*, *Pugillus*, *Aureus*, *Kist*, *Kirath*, & *Danitz*; quorum nominibus Mesuæ potissimum uti constat.

Libra itaque, quæ & *Pondo* etiam dicitur, in duodecim uncias dividitur. Errant itaque indocti huius ætatis *Pharmacopola*, qui *libram*

Qs

sic de-